

# La paura della Cometa Biela

(Falb smentito)

Poesia in Dialetto Romagnolo

Dov'ella andè sta gran cometa  
ch'dovea bat te nost pianeta?  
dovel andè sta fein de mond?!  
ragaz! pensandie ben a fond  
o franzesa, oppur tedesca  
e fu una bomba gigantesca!  
Quei pu ch'stempa di giurnel  
o chi digga o ben o mel  
se enca poc iaves da di  
inognimod i vo rampi,  
in Italia i chsè costumma.  
L'an passed te mes d'Brumma  
la Gazzetta, la Tribuna  
che del folli le tutt'una...  
un burridoun al publicò  
che tutt e mond i spaventò  
(i spaventò mi mammaloun  
a dila giusta i què tra dnoun)  
al diss che dop d'San Martein  
per un nost fatel distein  
una stela una cometta  
cla sarea vnu diretta  
a bat al corni te nost mond  
o che ma noun d'intond intond  
la ciavrea inyulupped  
con la cca e invellened...  
Av dirò pu in che maniera;  
Tutta l'eria dl'amosfera  
clas circonda intorne a noun  
cla da fiè mi nost palmoun  
las serebb consunta e guasta;  
e quand e questa la ni basta  
mi nost mentic per bat  
a serme za bela che fat,  
du minut in agonia  
e pu a moremmie d'asfisìa,

gonfie, dur come un palloun  
come asfisied con de carboun!  
I geva ench da piov e fogh  
in tera, in mer, in tutt i logh  
ossia di bollidi rovent,  
i ne ch'penseva different  
claves tirat un terramot,  
qualdun i geva per più not  
can s'aveva da fe giornè,  
tel zittà ti, su contorne  
i fu una gran agitazioun!  
e popolein i credenzoun  
a capiri che pippacullò  
quei ch'aveva moi e fioul  
de capitel e di quattrein  
che in te mond i chempa bein,  
tutt i ricch, i soddisfat  
ei tireva un po' e burat!...  
A iavri enca santi a di  
che qualdun i na dormi.  
Me ho vist ma la mi sposa  
clè una dona paurosa...  
Tutt al ser sotta i lanzoul  
la m'arvolta sempre e coul!  
ma per do ser però cl'impicc  
l'am se atteded a mal costicc  
stretta, dura rittirata  
che pareva una mignata.  
S. Martein antiga usenza  
tutt i zerca ampia la penza  
essend un giornè da trastull  
con dla cherna e con di pull.  
Ma saviv quel che iè d'nov?  
con e disturb che st'an ià prov  
quei ca chmenz un po a tremè  
poca roba ià ingolè;



e che po chià mandè zu  
 lai torneva sno d'insù  
 de convuls de batticor  
 per pensè pasdmen a mor!  
 Specialment tutt ieguista,  
 i gavott, cla raza trista,  
 che pun sold is fa scanè,  
 do cridiv chi sia andè  
 se tip - tap e sla paura?  
 I se de tutt la premura  
 d'andè a fe al su divozioun  
 perchè ià fat sta rifllesioun...  
 Se asfiesied a morireimm  
 gran dolor an patireimm,  
 ma com sarala pu at clelt mond  
 ca em fat e vagabond? .  
 s'an combinam a se padroun  
 ac metrà arrostit a si carboun?  
 allora e mel e ciavrà chmènz  
 arfè la morta d'San Lorenz!..  
 Quei ca avù st'presentiment  
 is la è pasa malament...  
 per paura d'andè dlà  
 ià callè più dla mettà.  
 Me a scommett ca d'igh e vera  
 a cazei s'una stadera  
 ma chi gras chi sera bsè  
 trenta chil iavrà calè!..  
 Ades le pas e trist moment.  
 tent i torna a ste content.  
 Si l'acciapas che furabutt...  
 cla mess fora d'mori tutt  
 cle un astronomo tedesch  
 povre struppie e stari fresch!  
 dalla rabbia chià pati  
 per paura da mori  
 a scommett che la gentaza  
 il brusarea a mez la piazza!  
 Stavolta Falb la fat un sbai  
 come quest an la fat mai.  
 Se una volta e lavess deitt  
 e pu dop che fuss ste zeitt  
 ca n'avessa più parlè  
 nissun iavrea più pensè,  
 a n'avrebb mess st'agitazioun  
 e Lu an paseva da qua....

Tip. Malatestiana

Ma ades at l'ultme e dai e dai  
 an la finiva quasi mai  
 la cazè pu finalment  
 ti più debol e spavent...  
 Molto più cl'eva opinioun  
 cl'andvinò anche l'erruzioun  
 in Sicilia de vulchen...  
 e vdiv!.. che boia d'un prussien  
 la sempre inzech quel ca da vni  
 ma sta volta a na capi!..  
 Fortuna stretghe di "discht!..  
 te sbaié! a stemie frisch!..  
 D'un chent l'era una bellezza  
 per nò avè più la tristezza  
 da ved un mond i chsè vigliac!  
 com, qualdoun ca fat e sac  
 chià mes insen di capitel  
 perchè te mond ià fat de mel  
 i sa da veda a vederè  
 e lor a god e trionfè!..  
 E che puret ca de la pela  
 e cor, e sangn, la curadela  
 per e ben dla società  
 se s'ardus per carità  
 a niè un fiol da nà sottena  
 ches comova a dei 'na mena?  
 Quest le un mond ca sem avezz  
 ma se dmen l'andas in pezz  
 las cla venga pu la morta  
 per me tent poc a m'importa.  
 Donca zenta i qui d'intond  
 ca i scampè la fein de mond,  
 sa cridi da favorim  
 da ton una i qui te prim  
 av garantis cav diverti  
 fin che giorne cha mori  
 che quel de mond sarà la fein  
 ma chi che tocca ck distein.  
 Per qualunque creatura  
 la fein de mond le la spoltura.  
 E sina quand ca saremm viv  
 tulin una e divertiv,  
 e pu guardè com a farò  
 per du sold a vne dag do  
 av voi de du argoment  
 a vidremm sa si content.

G. Villa